



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

De Consecratione Ecclesiae. Cap. v.

urn:nbn:de:hbz:466:1-10316

- oleum sanctum infirmorum, sanctum chrisma, thymiana, thus, myrrha, & thuribulum cum igne, adhibitis quamplurimis exorcismis, & solemnitatibus de quibus in dict. Pont. Roman. fol. 515. cum pluribus seqq.
- 47 † Degradatio fit etiam potestate ordinis Episcopalis, & Episcopus, non autem inferior potest ab ordinibus degradare, capit. degradatio, de pœnit. in 6. & Concil. Tridentin. cap. 4. de reformat. sess. 13. nec hanc potestatem potest Episcopus inferioribus demandare, † quia licet Episcopus committere valeat, quæ jurisdictionis existunt, quæ ord' s Episcopalis sunt, non potest inferiori gradus clericis demandare, capit. aqua de consecrat. eccles. vel Altar.

DE CONSECRATIONE ECCLESIAE, vel Altaris. Cap. V.

S V M M A R I V M.

- | | |
|---|---|
| 1 Consecratio Ecclesiarum pluribus ex causis fuit instituta. | 11 Consecratio Altaris in quibus consistat, & quibus ex causis consecratur. |
| 2 Consecratas Ecclesias frequentare, & in illis orare debemus, ut orationes sint magis grata. | 12 Altare, nisi ab Episcopo, aut Episcopi mandato execrari, vel destrui non debet. |
| 3 Consecratio Ecclesiarum tam ex veteris quam ex novi testamenti preceptis fieri debet. | 13 Paramenta, & vasa sacra vetustate consumpta, non sunt ad usus profanos vertenda. |
| 4 Consecrantur Ecclesia ab Episcopis pluribus de causis, & sine Episcoporum licentia edificari non possunt. | 14 Calicem non, nisi de auro, vel argento, licet consecrare. |
| 5 Consecrans Ecclesiam indotatam de suo proprio in defectum fundatoris dotare tenetur. | 15 Virgines per Episcopum, & non per inferiorem possunt consecrari. |
| 6 Ecclesia pluribus casibus reconciliantur. | 16 Procuratio, an debeatur pro consecratione. |
| 7 Ecclesia polluta, etiam cimiterium contiguum est pollutum, & non e contra. | 17 Procuratio praestatur in signum superioritatis. |
| 8 Ecclesia reconciliatio quomodo fiat. | 18 Episcopus cujus expensis debeat Ecclesiam pollutam reconciliare. |
| 9 Consecratio, & reconciliatio non, nisi ab Episcopis fieri potest. | 19 Ecclesia regularis polluta cujus sumptibus sit reconcilianda. |
| 10 Reconciliatio Ecclesia non consecrata, & cimiterij quomodo fieri debeat. | 20 Commodum sentire debet, qui sentit incommodum. |

21 Iohannes Stephanus Agathia Episcopus A-
stenfis laudatur.

22 Ordo Mendicantium pluribus privi-
legijs gaudet.

ECCLSIARUM, & Altarium con-
cratio Episcopis competit ordinis
potestate, ut *supra c. proximo, in prin.*
& consecratio est simul sacratio, *cap.*
pudenda, 24. quas. 1. & glos. in cap. Episcopus,
23. dist. pluribusque ex causis fuit institu-
tum, quod ecclesiam consecrentur.

† Quarum prima, ut diabolus, & pote-
stas ejus penitus expellatur. Cum enim
quædam ecclesia Arrianorum fidelibus
reddita consecraretur, & reliquæ sancti
Sebastiani, & beatæ Agathæ illuc delatæ
fuisent, *cap. Arrianorum, de consecr. dist. 1.*
populus ibidem congregatus porcum re-
pente inter pedes huc, illucque discurren-
tem fenserunt, qui fores ecclesiæ repetens,
in exitu à nullo videri potuit, omnesque in
admirationem commovit, quod idcirco
Dominus ostendit, ut cunctis patefaceret,
quod de loco eodem immundus habitator
exiret, ut refert Gregor. *in dialog. lib. 3.*
relatus à Graff. *decis. aur. par. 2. lib. 2. c. 15.*
num. mibi, nu. 5.

Secunda, ut in eis decentius laudes Deo
solvantur, & preces effundantur, quia Iu-
dæi loca, in quibus sacrificabant Domino,
divinis habebant supplicationibus conse-
crata, nec in alijs, quam dedicatis locis Deo
munera offerebant; si enim Judæi, qui um-
bræ legis deserviebant, hoc faciebant, mul-
tò magis nos quibus veritas patefacta, &
gratia per Iesum Christum, data est, † tem-
pla Domino ædificare, & prout melius
possumus, ornare, eaque divinis precibus,
sanctis unktionibus suis cum altaribus, &
vasis, vestibus quoque & reliquijs ad di-
vinum cultum explendum utensilibus, de-

votè, & solemniter sacrare, & non in alijs,
quàm in Domino sacratis ab Episcopis
missas celebrare, frequentare, & in illis do-
tare debemus, *cap. 2. §. qualiter ergo, de*
consecr. dist. 1.

Ecclesia est decentior locus orandi, jux-
ta illud psalm. Unam petij à Domino hanc
requiram, ut inhabitem in domo Domini
omnibus diebus vitæ meæ: ibi enim ani-
mus ad devotionem magis excitatur pro-
pter solitudinem, & quietem, nec medio-
criter adversatur exteriorum tumultus ad
pacem mentis, & animi, & ad obtinendam
tranquillitatem, quæ oranti animo neces-
saria est, ubique tamen orare licet, Paulus
ad Timot. *c. 2. qui ait, Volo, vos orare in*
omni loco, & Graff. decis. aur. par. 1. lib. 2.
cap. 53. num. 2.

Tertia, ut ibidem dignè missæ celebren-
tur, & alia ecclesiastica sacramenta mini-
strentur, *d. c. 2. post med. de consecr. dist. 1.*
cap. hic ergo, & cap. nullus, ead. dist.

Quarta, ut orationes sint magis gratæ,
quia piè est credendum, quod ex hoc, cæ-
teris paribus, divina virtus ibi assistat ad
gratiam libentius infundendam, cum pro-
pterea in missa dedicationis, quæ singulis
annis celebrantur, proferatur oratio, Deus,
qui, & cæc. exaudi preces populi tui, &
præsta, ut, quisquis hoc templum beneficia
petiturus ingreditur, cuncta se impetrasse
lætetur, & simili oratione Deum preca-
mur in ipso die dedicationis ecclesiæ.

Consecratio enim † ecclesiarum fieri
debet tam ex veteris, quam ex novi testa-
menti præceptis, quia Dominus locu-
tus est ad Moysen, dicens, &c. ut faciant
cuncta,

cuncta, quæ præcepi tibi, tabernaculum
 fœderis, & arcam testimonij, & propitia-
 torium, quod super eam est, & cuncta vasa
 tabernaculi, mensamque, & vasa ejus, can-
 delabrum purissimum cum vasis suis &
 altare thymiamatis, & holocausti, & om-
 nia vasa eorum, labium cum basi sua, ve-
 stes sanctas in ministerio Aaron sacerdoti,
 & filijs ejus, ut fungantur officio suo in
 sacris oleum unctiois, & thymiamata aro-
 matum in sanctuario, omnia, quæ præce-
 pit tibi faciant, Exod. c. 32. & Levit. cap. 8.
vers. vltis & unctiois, & d. cap. consecrat.
dist. 1. Quæ autem in consecratione eccle-
 siarum ab Ecclesia ordinata sunt, idest, vel
 à conciliis Papæ auctoritate congregatis,
 ac si à Christo sint ordinata, accipi debent,
 Turrecrem. in c. omnes basilica, n. 4. de con-
 secr. dist. 1. cum ea, quæ per Ecclesiam sta-
 tuitur, ab ipso Christo ordinantur. Matth.
 cap. 18. ubique fuerint duo, vel tres in
 nomine meo, in medio eorum sum, &
 Graff. decis. aur. d. c. 15. n. 6. par. 2. lib. 2. Li-
 cet olim consecratio fieri non posset sine
 mandato Papæ, cap. de locorum, cap. præ-
 cepta, cap. Basilicas, & cap. Ecclesia, de
 consecr. ead. dist. 1. fuit ius antiquum refor-
 matum, seu potius Episcopis auctoritas
 consecrandi à Papa generaliter communi-
 cata, & ex singulari delegatione facta est
 4 ordinaria potestas † Et hodie ab Epi-
 scopis possunt ecclesiæ consecrari, cap. 2. 5
 & ibi glos. fin. & Abb. de consecr. eccles. vel
 alt. nec sine Episcopi licentia potest ec-
 clesia edificari, cap. nemo, ead. dist. 1. & cap.
 quidam 18. q. 2.

Consecrantur ecclesiæ quolibet die,
 tam feriato, quàm festo, d. cap. 2. & ibi
 glos. de consecr. eccles. vel alt. quæ singu-
 lis annis solemniter sunt celebrandæ, cap.

solemnitates dedicationem, & cap. solem-
 nitates ecclesiarum, ead. dist. 1.

Secundo, quando dubitatur, an fuerit
 consecrata, quia non apparet in aliqua scri-
 ptura, vel libro Ecclesiæ, aut columna, vel
 tabula marmorea, de cap. solemnitates de-
 dicationum, & cap. ecclesia ead. d. 1. & In-
 nocent. in rubrica de consecr. eccles. vel
 alt. n. 1. & ad probanda consecrat, suffice-
 ret unicus testis de visu, cum nullum aliis
 præiudicium inferatur, ut ibi Innoc. d. n. 1.

Tertio, si ecclesia sit exusta, ita quod sit
 decrustata in totum, vel pro majori parte,
 cap. ecclesis, & ibi glos. in vers. exusta, ead.
 dist. 1. & Innoc. eod. num. 1. vers. secundus si
 sit exusta.

Quarto, si funditus sit diruta, & ex toto
 reparata de eisdem, siue de aliis lapidibus,
 cap. de fabrica eadem dist. 1. & est ratio,
 quia consecratio ecclesiæ maxime confi-
 sit in unctioe exteriori, & conjunctione,
 & dispositione lapidum cap. ecclesias ea-
 dem dist. & Innoc. eod. nu. 1. vers. tertius est,
 licet videatur ultimo casu sufficere recon-
 ciliationem cap. si mortum ead. dist. & In-
 nocent. ubi supra ante num. 2.

Quinto, quando constat de solemnita-
 tibus requisitis in consecratione, sed pro-
 babiliter dubitari potest, an Episcopus fue-
 rit consecratus, cap. presbyteri, 68. dist. &
 Graff. decis. aur. d. c. 15. nu. 14. in fine.

Ecclesia † non est consecranda, nisi si pri-
 us competens dos fuerit ei assignata, c. pla-
 cuit, 1. qu. 2. c. piamentis, 16. qu. 7. cap. cum
 sicut, & ibi glos. de consecr. eccles. vel alt.
 & si Episcopus consecrat ecclesiam indo-
 tatam, illam sine læsione suæ ecclesiæ, si
 hoc facere potest, aliàs de suo proprio in
 defectum fundatoris dotare tenetur, glos.
 in d. c. cum sicut, vers. sed quid si Episco-
 pus,

¶ *ibi Abbas n. 2. & 3. & gloss. in cap. nemo, 1. in ver. domum de consecr. d. 1.* Dos verò competens juxta qualitatem ecclesiæ esse debet, quia pro monasterio tanta esse debet, qua presbyteri, diaconi, subdiaconi, cantores, & lectores ibi ali possint, *authentica ut deter. sit in cler. §. investigantes, colum. 1. & ibi Bart. n. 1.* si verò ecclesiæ sit collegiata, dos ad minus debet esse pro duobus, & quòd possint recipi hospites, & episcopalia jura persolvi, *c. 2. de supl. negl. Pral. cap. de Monachis, de preb. & gloss. in eod. c. cum sicut,* & si parochialis, pro parochi sustentatione debet regulariter dos esse centum ducatorum, ex dispositione sacri Conc. Trid. *c. 13. §. ad hæc. sess. 24. de ref.* putò tamen, qualitatem locorum esse attendendam, & ubi communitatum vires non suppetunt, sufficere dotem scutorum quinquaginta vicariis perpetuis assignatam, ut in extravag. Pii V. ad exequendum in Bull. *cap. 46.*

6 Ecclesiæ † pluribus etiam casibus reconciliantur.

Primò, si alicui mors violenta in ecclesiâ inferatur, aut injuriosè humanus sanguis effundatur, *cap. ecclesiâ, 68. dist. cap. proposuisti, de consecr. eccl. vel alt.* & non sufficit aliquarum guttarum sanguinis emissio, quia jura requirunt effusionem, quæ largitatem denotat, *cap. revertimini, 16. q. 1. gloss. in cap. cum illorum, in verb. effusionem,* & ibi Felin. *nu. 13. de sent. excom.* Abbas in *cap. proposuisti, num. 3. de consecr. eccl. vel alt.* & Navar. *cap. 27. num. 256. tom. 3.* Si quis autè extra ecclesiâ fuisset vulneratus, & in illa sanguinem effudisset, nò esset ecclesiâ reconcilianda, arg. *tex. in l. huic scriptura. ff. ad leg. aquil.* ubi dicitur, quòd, si quis vulnerat servum alterius, & ille postea pe-

reat ruina, vel alio casu, non imputatur ei mors, sed vulnus tantum, ita non imputatur, quod extra ecclesiâ contingit, quia hîc non est facta ecclesiæ injuria, vel irreverentia, *Abb. antiq. in cap. si Ecclesiâ, nu. 4. de consecr. eccl. & Navar. d. num. 256. vers. dixi, aut datur.* Vulnere verò in ecclesiâ illato, licèt percussus antè egrediatur, quàm sanguis in illam effundatur, etiam quòd reciperetur in aliquo vase, ne in eam decideret, eccl. diceretur polluta, & requireretur reconciliatio, ut per Nav. *eo. ver. dixi.*

Secundò, si semen humanum voluntariè in ecclesiâ effundatur, *cap. unico, & ibi glo. in ver. humanum, de consecr. eccl. in 6.* quòd procedit etiam, si vir cognoscat uxorem, quicquid aliqui contrarium teneant, quia multa licita ex loco fiunt illicita, *cap. accusatio, 2. q. 7. cap. 1. de immunit. eccl. gloss. in d. ver. seminis, Jo. de Sel. in tractat. de benef. in 5. quæst. ubi dicit, ita tenendum, colum. 49. & Navar. d. c. 27. nu. 257.*

Tertiò, si in ecclesiâ aliquis excommunicatus sepeliatur, *cap. consuluisti, & ibi Abb. antiq. de consecr. eccl. vel alt.* quòd intellige de excommunicatis impœnitentibus, secus de excommunicatis pœnitentibus, sed, qui morte præventi, absolvi non potuerunt, arg. à contrario sensu, *cap. is cui, §. talis quoque, de sent. excommun. in 6. & Graff. decis. aur. d. cap. 14. num. 19.*

Quartò, si cadavera mortuorum infidelium in ecclesiâ sepeliantur, & tunc illis evulsis, & etiam parietibus dealbatis, est reconcilianda, *cap. ecclesiâ, in qua mortuorum, de consecr. eadem dist. 1. & Navar. eod. num. 257. versic. quartus est.*

Quin-

Quintò, si ecclesia per Episcopum excommunicatum publicam consecratur, vel benedicatur, quia, si corpus excommunicati mortui execratur ecclesiam, vel cœmeterium, dicitur cap. consulisti, & cap. ecclesiam, multò magis, ubi ipsa consecratio transit per manus, & os excommunicati, arg. l. Domitius, de test. & Graff. eodem cap. 15, num. 19.

7 † At polluta ecclesia, etiam cœmeterium contiguum est pollutum, & non e contra, quia cœmeterio polluto, quamvis ecclesie contiguo, non est polluta ecclesia, ne minus dignum majus, aut accessorium principale ad se trahere videatur, d. cap. de consecr. eccles. vel alt. in 6.

8 Ecclesie reconciliatio † fit per aquam cum vino, & cinere benedictam, & per aquam significatur populus, cap. cum Martha, §. quasi visisti, circa finem, de celebrat. miss. per cinerem, memoria passionis Christi, Zabarel. in cap. proposuisti, de consecr. eccles. vel alt. & vinum aqua permixtum significat unionem divinitatis, & humanitatis, & ponuntur ista, ut populus, qui per aquam designatur, mundetur, & uniat Deo, quod significat per vinum aqua mixtum, Abb. antiq. in d. cap. proposuisti, nu. 2, eodem tit. de consecr. & Graff. eodem cap. num. 17.

9 Consecratio autem, † seu reconciliatio ecclesiarum, & altarium ad eò solis Episcopis competit, ut nec Vicarius consecrationem, aut reconciliationem exequi possit, nisi sit Episcopus, ex supra in superiori cap. deductu, & ecclesia non consecrata, si injuriola sanguinis effusione polluatur, est etiam reconcilianda, cap. final. eod. tit. de consecr. eccles. vel alt. quia ecclesie, in quibus divina mysteria celebrantur, licet

adhuc non extiterint consecrata, nullo jure privilegium immunitatis amittunt, cum obsequiis divinis dicata nullus sint temerariis ausibus profananda, cap. penult. de immunitat. eccl. & ibi glos. in ver. adimitur, & gaudent eodem privilegio, quo, & consecrata, gloss. in d. cap. fin. in ver. non consecrata, & Abbas num. 2. tamen in reconciliationis actu servari non debet forma, quæ requiritur in reconciliatione ecclesie consecrata, sed sufficit, quòd aqua exorcizata protinus lavetur, ne divinae laudis organa suspendantur, d. cap. fin. & ibi Abb. quòd interim organa clericorum suspenduntur, nu. 4, de consecr. Nam minor solemnitas in reconciliatione ecclesie non consecratae requiritur, quàm in consecrata, quia cum magis delinquatur in loco consecrato, expedit, ut in actu reconciliationis major demonstratio fiat, argum. text. in cap. cum illorum, §. primò, si fuerint, de sentent. excomm. & Abb. in d. cap. fin. in fine, & licet videatur, quòd per Episcopum ecclesia sit reconcilianda, per tex. in cap. aqua, eod. tit.

10 † ecclesia tamen non consecrata, si polluitur, per simplicem sacerdotem aqua per Episcopum exorcizata pro reconciliatione lavari potest, glo. si in d. cap. fin. quam sequitur Abb. & dicit, cum eadem opinione doctores communiter transire, nu. 6. & eadem ratione cœmeteria polluta, quæ non sunt annexa ecclesiis, eadem aqua exorcizata per simplicem sacerdotem possunt reconciliari, quia illa cœmeteria non consecrantur, sed benedicuntur, cætera verò cœmeteria ecclesiis contigua, & quæ unà cum ecclesiis consecrantur, non, nisi ab Episcopo possunt reconciliari, quia de connexis, uti de similibus, idem est judicium, c. inter ceteras, de rescript. c. 2, de trans-

lat. prelat. & c. in causis, de re iudic. Episcopi tamen aliqui, privilegio Papæ suffulti aquam per ipsos exorcizatam personis in dignitate Eccles. constitutis transmittere, & facultatem reconciliandi illis delegare possunt, quod privilegium ex causa concedi solet.

II Altaria sine reliquiis † consecrari non possunt, *cap. placuit, de consecr. d. 1.* & consecratio altaris præcipue consistit in conjunctione mensæ, scilicet, lapidis superioris, & structuræ inferioris, *Innoc. in rub. de consecr. n. 2.* Nam pluribus ex causis reconsecrantur, si altare motum fuerit, aut lapis ille solummodo superpositus, qui sigillum continet, contractus, aut etiam diminutus, *c. 1. & c. 2. de consecr. eccl. vel altar. sunt etiam reconsecrandæ, si augeantur, vel minuantur, aut mutantur, ita quod amittant priorem formam, quia forma dat esse rei, Abb. in cap. ligneis, nu. 2. eo. tit. & pari modo altare viaticum, si amittat formam, vel frangatur, illius sigillum est reconsecrandum, ut per Abb. ubi supra.*

12 Sicut enim † altare consecrari non debet, nisi ab Episcopo, sic non debet quis illud execrari, vel destruere, nisi Episcopus, vel alius de ejus mandato *Turrecrem. in*

13 *cap. placuit, de consecr. dist. 1.* † Vasa sacra, planetæ, pallæ, vestes sacerdotum, & ministrorum, & similia non sunt ad usus profanos convertenda, quia Deo dicata ad usus profanos reverti non debent, *cap. nulli, 12, q. 2. & cap. semel, de reg. jur. in 6.* sed paramenta, si qua vetustate sint consumpta, comburi debent, & cineres in ecclesia sub pavimento, vel alio loco tuto, & honesto, ne pedibus intrantium conculcentur, sunt reponendæ, *cap. altaris de consecr.*

4. d. 1. † Calicem verò, nisi de auro, argento,

vel stanno consecrari non licet, non autem ex ære, aut aurichalco, quia ob vini virtutem æruginem facit, pariterque vomitum provocat, minusque ligneum, aut vitreum, cum quo missa prohibetur celebrari, *cap. ut calix, ead. dist. & quicquid in contrarium supra disponatur de calice ex stanno, qui non est prohibitus, hodie minime admittitur eadem ratione, quia de facili æruginatur, & nauseam parit celebranti, eodem c. ut calix. & ubi est eadem ratio, eadem debet esse juris dispositio, l. illud, ff. ad l. Aquil.*

15 Virgines quoque † non, nisi per Episcopum, possunt consecrari, *cap. quamvis corepiscopi, 68, dist. & cap. si jubet, 26, quest. 6.* & debent consecrari in veste professionis, quam semper ferre tenentur, *cap. sanctimonialis, 23, dist.* sunt enim consecrandæ solemnibus diebus tantum, ut in Epiphania, per hebdomadam Paschæ, & in festis Apostolorum, nisi in contrarium imminet necessitas, *cap. devotionis, 20, q. 1.*

16 Quæri potest, † an procaratio pro visitatione debita, ut suo loco dicetur, recipi etiam possit pro consecratione, & est distinguendum, quòd, aut loquimur de consecratione calicum, ordinandorum, & virginum, quæ fit in propria civitate, & pro ordinandorum consecratione, & tunc res caret difficultate, quòd nihil accipi possit in quocunque loco ordinationes habeantur, sed gratis operam suam visitantes præstare omnino tenentur, *Conc. Trid. c. 1. de refor. sess. 21.* & eadem ratio militat in virginibus consecrandis, vel velandis, ac calicibus consecrandis, campanisque benedicendis, & ita se habet communis usus, & consuetudo, quæ est servanda, *Conc. Trid. cap. 3. §. in iis verò, de reformat. sess. 24.* aut est

est consecranda ecclesia extra civitatem, & 19
 cum non brevi tempore consecratio fieri
 possit, ita quod, nec commode ad pala-
 tium Episcopale pro sumendo prandio E-
 piscopus redire valeat, tunc prandium,
 aliaque victualia eundo, & redeundo ab
 iis, qui ejus ministerium requisiverunt, su-
 mēre potest, etiam quantumcunque eccle-
 sia consecranda sit vicina Episcopatu, quia
 ista procuratio est annexa visitationi, &

17 consecrationi, † quæ præstat in signum 20
 superioritatis, & ut facilius Prælati indu-
 cantur ad visitandum, & consecrandum,
 gloss. in c. cum sit Romana, ubi etiam Abb.
 n. 2. de simo. Innoc. in cap. Romana, de cens.
 & Grass. decis. 15. n. mibi 10. par. 2. lib. 2.
 dummodò non obsit paupertas, quia casu,
 quo propter paupertatem procuratio sub-
 ministrari non possit, tunc Episcopus pro- 21
 priis sumptibus Ecclesiam consecrare te-
 netur, ut tenet gloss. & Abb. in d. cap. cum
 sit Romana.

18 Frequenter etiam quæritur, † cujus ex-
 pensis debeat Episcopus accedere ad ec-
 clesiam pollutam reconciliandam, & o-
 missis disputationibus, aut scitur quis vio-
 laverit, ecclesiam, & est solvendo, & tunc
 expensis illius, qui eam violavit, reconcilia-
 ri debet, arg. text. in l. 1. ubi etiam Bart. ff. de
 eo, per qu. fac. erit, aut nescitur, vel non est
 solvendo, & tunc si ecclesia est parochialis,
 parochus solus, si juxta redditus id com-
 mode facere potest, nisi in contrarium sit
 statutum, aut vigeat consuetudo, vel paro-
 chus est pauper, & tunc sumptibus paro-
 chianorum, & in defectum omnium de- 22
 bet Episcopis suis expensis ecclesiam re-
 conciliare, ut post Jo. Andr. & alios distin-
 guit, & tenet Abb. in c. proposuisti, n. 2. de
 cons. eccl. vel altar.

Si vero ecclesia † est regularis sine cura
 animarum & ignoratur, quis ecclesiam pol-
 luerit, vel is non sit solvendo tunc, nec E-
 piscopus, nec populus tenetur, cum regu-
 lares sint exempti à jurisdictione Episcopo-
 rum, neque ex obligatione sacramenta po-
 pulo ministrare teneantur, & populus mi-
 nime ad illa ab eis recipienda cogi possit,
 quia, uti exemptos ab onere sacramenta
 ministrandi, & ab ordinaria jurisdictione

20 contra ipsos procedit regula, † quod, qui
 sentit commodum, sentire debeat, & in-
 commodum, & contra, cap. qui sentit, de
 reg. jur. in 6. Valde tamen decebit, si tali ca-
 su Episcopi eorum officium exerceant in
 reconciliandis ecclesiis regularium, quan-
 tumvis exemptorum, & Joan. Stephanus
 ex illustri familia Agationum Vercellen,

† Episcopus Astensis in Ordinarii loci le-
 gitima à civitate, & diocesi absentia requi-
 situs pro reconciliacione ecclesie monaste-
 rii S. Pauli Ordinis Prædicatorum Vercel-
 len. humani sanguinis effusione polluta, ab
 eadem civitate Asten Vercellas pro ejus-
 dem ecclesie reconciliacione se transtulit,
 illamque præfente Vespasiano Agatia Ab-
 bate Abbatiæ B. Mariæ de Abundantia Ge-
 benen. diocesis, ejus consanguineo, & me,
 una cum maxima cleri, & populi multitu-
 dine, sub die 18. mensis Novembris anni
 1601 reconciliavit, gratis, sine aliqua pro-
 curacione viatici, nec tam eundo, quàm stan-
 do, sumptuum etiam cibariorum submi-
 nistracione, peragendo functionē, quæ bo-
 num, & pium decet pastorem in benefi-
 cium ecclesie dicti † ordinis mendicanti-
 um, qui sit. paupertatis merito pluribus
 gaudet privilegiis, de quibus plenè scripsit
 Alphons. de Casa Rub. in compend privile-
 leg. Frat. Minor. & Mendic. par. totum.